

1-6 ԴԱՍԱՐԱՆՆԵՐՈՒՄ ՕՏԱՐ ԼԵԶՎԻ ՈՒՍՈՒՑՄԱՆ

ԱՌԱՐԿԱՅԱԿԱՆ ԾՐԱԳԻՐ

Ժամաքանակը՝ 612 ($2*34*2+3*34*2+4*34*2$)՝ 1-2-րդ դասարաններում՝ շաբաթական 2, 3-4 դասարաններում՝ 3, 5-6-րդ դասարաններում՝ 4 դասաժամ: 1-2-րդ դասարաններում ուսուցումը կազմակերպվում ամենօրյա 20 րոպեանոց պարապմունքներով:

Օտար լեզվի 1-6-րդ դասարանների առարկայական ծրագիրը (այսուհետ՝ Ծրագիր) հիմնվում է «Մխիթար Սեբաստացի» կրթահամալիրում իրականացվող «Ստեղծողի դպրոց. անհատի կրթական պատվեր. մեղիակրթություն» (պետական այլընտրանքային) կրթական ծրագրի վրա, ըստ որի օտար լեզուները, մեղիամիջոցներն ու ինտերնետը ուսուցվում և գործածվում են առաջին դասարանից. ապահովվում են օտար լեզուների և համակարգչային (թվային այլ միջոցների) ամենօրյա պարապմունքներ: Ծրագիրը հիմնված է «Հանրակրթության պետական չափորոշիչների» վրա, համապատասխան որի ա) մշակվում են պետական և այլընտրանքային հանրակրթական ծրագրեր և բ) փորձաքննության են ենթարկվում համապատասխան ներկայացված այլընտրանքային հանրակրթական ծրագրերը:

Հանրակրթության պետական չափորոշիչով սահմանված բովանդակային նվազագույն պահանջները՝ ըստ բնագավառների, կարող են հանրակրթական հիմնական ծրագրերում խորացվել և ընդլայնվել:

Ժամաքանակը ըստ 1-6-րդ դասարանների ուսումնական պլանի.

612 ($2*34*2+3*34*2+4*34*2$)՝ 1-2-րդ դասարաններում՝ շաբաթական 2, 3-4 դասարաններում՝ 3, 5-6-րդ դասարաններում՝ 4 դասաժամ: 1-2-րդ դասարաններում ուսուցումը կազմակերպվում ամենօրյա 20 րոպեանոց պարապմունքներով:

1-4-րդ դասարաններում օտար լեզվի դասընթացները իրականացվում են «Իմացումի հրճվանք» ծրագրի շրջանակներում:

Առարկայի ուսուցման նպատակը

Կրտսեր դպրոցում օտար լեզվի դասավանդման հիմնական նպատակն է սովորողի մոտ խոսակցական լեզվի, օտար լեզվով միմյանց հետ շփվելու, օտար լեզվով բանավոր խոսքի ընկալման հմտությունների ձևավորումն ու զարգացումը: Կարևոր խնդիր և նպատակ է նաև սովորողի մոտ ստացած գիտելիքների և հմտությունների գործածման կարողության զարգացում: Այս տարիքից դրվում են նաև քերականական, շարահյուսական գիտելիքների հիմքերը:

Դասավանդման առաջին իսկ տարվանից դասերը պետք է անցկացվեն անգլերենով: Դրա համար անհրաժեշտ է աստիճանաբար և հետևողականորեն ներմուծել երկու-երեք առօրյա արտահայտություն: Դասարանային բոլոր գործողությունները աստիճանաբար արտահայտվելու են միայն անգլերենով: Դասավանդողը անգլերեն խոսելիս պետք է հստակ գիտակցի, որ անգլերենով ուսուցանվող նյութը պետք է համապատասխանի երեխայի մայրենի լեզվով ունեցած գիտելիքներին:

Տառուսուցումը ոչ թե առանձին ծրագիր կամ նպատակ է, այլ իրականացվում է որպես տառաճանաչության ամփոփում, որը ավարտվում է 2-րդ դասարանի վերջում: Սովորողները մեկ տարվա օտար լեզվի ուսուցման բոլոր մեթոդների շնորհիվ /համակարգչի ստեղնաշար, երգերի և ոտանավորների կառուկե, համակարգչային ուսումնական խաղեր և այլն/ տեսողական ճանաչում են բոլոր տառերը:

Երկրորդ դասարանից սկսած սովորողը ձեռք բերած տառաճանաչության հիմքերը ամրապնդում է ընթերցման շնորհիվ:

Օտար լեզուն դասավանդելիս կարևորվում է.

1. Սովորողի հաղորդակցվելու և համագործակցելու, ոչ հայախոս անձանց հետ շփվելու, լեզվակիր երկրի մշակույթին հաղորդակցվելու հիմքերի ձևավորում:
2. Սովորողի կողմից օտար լեզվի՝ որպես տեղեկություն ստանալու և փոխանցելու դերի և նշանակության, լեզվակիր ժողովրդի հոգևոր-մշակութային արժեքների վերաբերյալ նախնական պատկերացում ունենալու գործում օտար լեզվի իմացության դերի գիտակցումը:

Տարրական կրթության ծրագիրը պետք է ներառի նախնական, տարրական գիտելիքներ, պատկերացումներ.

1. Հաղորդակցման և առօրյա իրադրությունները նկարագրելու համար անհրաժեշտ բառապաշար՝ ուսուցանվող օտար լեզվից
2. Օտար լեզվի հնչյունների ու այբուբենի, արտասանության և ուղղագրության տարրական կանոնների մասին
3. Պարզագույն բառակապակցություններ և նախադասություններ կազմելու կանոնների մասին
4. Լեզվակիր ժողովրդի բնահյուսության և երաժշտության որոշ նմուշների մասին

Խնդիրները.

1-ին դասարան

1. Սովորողի մոտ ձևավորել օտար լեզվի մասին տարրական պատկերացում-երգերի, ուսանավորների, պարզ, առօրյական հարց ու պատասխանի միջոցով
2. Ջարգացնել լսելու, հասկանալու և խոսելու հմտությունները.
 - Լսել և հասկանալ դասավանդողի պարզ խոսքը
 - Լսել և կատարել ուսուցչի հրահանգները
 - Լսել և հասկանալ պարզ մանկական երգեր
 - Լսել և հասկանալ պարզ, առօրյական երկխոսություններ
 - Լսել և ճիշտ պատասխանել հարցերին
 - Կարողանալ վարել փոքր երկխոսություններ
3. Ձևավորել սովորողի տարիքին համապատասխան բառապաշար
4. Կիրառել ՏՀՏ-ներ (համակարգիչ, էլ. գրատախտակ, համացանց)-դասավանդողի օգնությամբ: Սովորողները կարողանում են ինքնուրույն բացել խաղերի, նյութերի թղթապանակները, ընտրել խաղը, կատարել այն: Ուսուցչի օգնությամբ գտնում են անհրաժեշտ կայքը, ընտրում խաղը, դասը, երգը, կատարում այն:
5. Սովորեցնել տարիքին համապատասխան քերականական տարրեր, առանց դրանք անվանելու

2-րդ դասարան

1. Սովորողի մոտ ձևավորել օտար լեզվի տառերի և հնչյունների մասին պատկերացում
2. Ջարգացնել լսելու, ունկնդրելու կարողությունները
3. Ջարգացնել օտար լեզվով խոսելու հմտությունները
4. Ընդլայնել բառապաշարը
5. Կիրառել ՏՀՏ-ներ (համակարգիչ, էլ. գրատախտակ, համացանց)-դասավանդողի օգնությամբ: Սովորողները ինքնուրույն գտնում են խաղերը, գիտեն անհրաժեշտ ուսումնական կայքերի հասցեները, բացում են դրանք, ընտրում նյութը, կատարում: Կարողանում են լուսանկարել:
6. Սովորեցնել տարիքին համապատասխան քերականական տարրեր, առանց դրանք անվանելու

3-րդ դասարան

1. Ջարգացնել խոսելու հմտությունները
2. Ջարգացնել գրելու հմտությունները
3. Ընդլայնել բառապաշարը
4. Ջարգացնել ընթերցման և ունկնդրման հմտությունները
5. Ստեղծել միջավայր կամ իրավիճակ, որտեղ սովորողը կկիրառի իր գիտելիքներն ու հմտությունները

6. Կիրառել S2S-ներ (համակարգիչ, էլ.գրատախտակ, համացանց, ֆոտոխցիկ, ձայնագրիչ)- դասավանդողի օգնությամբ և ինքնուրույն: Սովորողները ինքնուրույն բացում են անհրաժեշտ կայքերը, ընտրում նյութերը, կատարում: լուսանկարում են, ձայնագրում, արված նյութը ներբեռնում համակարգչում: Կարողանում են էլեկտրոնային փոստից ներբեռնել ֆայլեր, թեստեր, կատարել դրանք:
7. Սովորեցնել տարիքին համապատասխան քերականական տարրեր, տալով որոշակի պարզաբանումներ

4-րդ դասարան

1. Չարգացնել խոսելու հմտությունները
2. Չարգացնել գրելու հմտությունները
3. Ընդլայնել բառապաշարը
4. Չարգացնել ընթերցման և ունկնդրման հմտությունները
5. Ստեղծել միջավայր կամ իրավիճակ, որտեղ սովորողը կկիրառի իր գիտելիքներն ու հմտությունները
6. Միջառարկայական կապ ստեղծել այլ առարկաների հետ /մայրենի, մաթեմատիկա, տեխնոլոգիա, երգ և այլն/
8. Կիրառել S2S-ներ (համակարգիչ, էլ.գրատախտակ, համացանց ֆոտոխցիկ, ձայնագրիչ)- ինքնուրույն: Ինքնուրույն կարողանում են լուսանկարներից և ձայնային ֆայլերից պատրաստել ֆիլմեր պարզ ծրագրերով /Movie Maker/, կիրառել SkyDrive-ը, ուսուցչի օգնությամբ պատրաստել կարտկե, բացել ծանոթ ուսումնական կայքեր, կատարել առաջադրանքներ:
9. Սովորեցնել տարիքին համապատասխան քերականական տարրեր, տալով որոշակի պարզաբանումներ

5-րդ դասարան

1. Չարգացնել խոսքը
2. Չարգացնել գրելու հմտությունները
3. Ընդլայնել բառապաշարը,ավելացնելով տարբեր իդիոմատիկ արտահայտություններ, ասացվածքներ և այլն
4. Չարգացնել ընթերցման և ունկնդրման հմտությունները
5. Ստեղծել միջավայր կամ իրավիճակ, որտեղ սովորողը կկիրառի իր գիտելիքներն ու հմտությունները
6. Միջառարկայական կապ ստեղծել այլ առարկաների հետ /մայրենի, մաթեմատիկա, տեխնոլոգիա, երգ և այլն/
7. Կիրառել S2S-ներ (համակարգիչ, էլ.գրատախտակ, համացանց, ֆոտոխցիկ, ձայնագրիչ)- ինքնուրույն: Սովորողը ինքնուրույն օգտագործում է ֆոտոխցիկը, ձայնագրիչը,

կարողանում է վերցնել հարցազրույցներ, խմբագրել աուդիո և ֆոտո ֆայլեր, տեղադրել դրանք կայքում

8. Սովորեցնել տարիքին համապատասխան քերականական տարրեր, պարզաբանելով դրանք

6-րդ դասարան

1. Չարգացնել խոսքը
2. Չարգացնել գրելու հմտությունները
3. Ընդլայնել բառապաշարը, ավելացնելով տարբեր իդիոմատիկ արտահայտություններ, ասացվածքներ և այլն
4. Չարգացնել ընթերցման և ունկնդրման հմտությունները
5. Ստեղծել միջավայր կամ իրավիճակ, որտեղ սովորողը կկիրառի իր գիտելիքներն ու հմտությունները
6. Միջառարկայական կապ ստեղծել այլ առարկաների հետ /մայրենի, մաթեմատիկա, տեխնոլոգիա, երգ և այլն/
7. Կիրառել S2S-ներ (համակարգիչ, էլ.գրատախտակ, համացանց, ֆոտոխցիկ, ձայնագրիչ)- ինքնուրույն: Սովորողը պատրաստում է տեսաֆիլմեր տարբեր ծրագրերով, նյութերը տեղադրում Youtube-ում, հղումը՝ կայքում:
8. Սովորեցնել տարիքին համապատասխան քերականական տարրեր, պարզաբանելով դրանք

Ուսումնական միջավայր և դրանցում կազմակերպվող

գործունեության ձևերը

Ուսումնական միջավայրը կարող է տարբերվել՝ ելնելով դասի նպատակից, եղանակային պայմաններից և կազմակերպման ձևից: Ուսումնական տարածք կարող են լինել.

1. Կրթահամալիրի ընթարձակ և լուսավոր դասասենյակները, որոնք ապահովված են էլ. գրատախտակով, պրոյեկտորով, համակարգչով,
 - դասեր
 - դաս-խաղեր
 - ընթերցում
 - գրավոր աշխատանքներ
 - աշխատանք համակարգչով
 - աշխատանք էլ. գրատախտակով
2. Ներքին և արտաքին բակերը,
 - Տարվա յուրաքանչյուր եղանակին բնորոշ խաղեր կազմակերպելու համար
 - Ուսումնա-հասարակական աշխատանքներ
 - Բացօթյա դասեր –ընթերցում, ունկնդրում, դերախաղեր, բակային խաղեր

- Լոռավազան-լոռափնյա խաղերի և երգերի կիրառում
3. Ցուցասրահներ
 - Աշխատանքներ իներկայացում
 - Միջոցառումների կազմակերպում
 - Հանդեսների փորձեր
 - Խաղերի կազմակերպում
 4. Մարզական դահլիճներ
 - Օտար լեզվով մարզանքի համար
 - Սպորտային միջոցառումներ, օլիմպիկներ /նույնպես օտար լեզվով/
 5. Խոհանոց-լաբորատորիաներ
 - Թեմատիկ բառապաշարի գործածման հմտությունների զարգացման համար /սնունդ, խոհանոցային գործողություններ/
 - Ծիսական ուտեստների պատրաստման ընթացքում օտար լեզվի գործածման համար /գործողությունները տեսագրվում են և ներկայացվում տեսաֆիլմի կամ ֆոտոֆիլմի տեսքով/
 6. Տեխնոլոգիական լաբորատորիաներ
 - Աշխատանք կավագործության լաբորատորիայում
 - Աշխատանք դիզայնի, կերպարվեստի սրահներում
 7. Գրադարան
 - Ընթերցանություն
 - Թարգմանություն
 - Աշխատանք նոութբուքերով
 8. Փոքր դահլիճ
 - Օտար լեզվով թատերական ներկայացումներ դիտելու կամ ներկայացնելու համար

Ուսուցման վիրտուալ միջավայր

Կրթահամալիրը իրականացնում է մեդիակրթություն և առաջին իսկ դասարանից սովորողները հմտանում են ՏՀՏ-ների կիրառման գործընթացում: ՏՀՏ-ների խորացված ուսուցումը պահանջում է ուսուցման որոշակի վիրտուալ տարածք կամ միջավայր: Դրանցից են.

1. Live@Edu համակարգի էլ.փոստեր /էլ.փոստ ու են նաև սովորողների ծնողները/, որոնք սովորողները սովորում են ինքնուրույն կառավարել: Էլ.փոստով սովորողները և դասավանդողները կարող են կատարել հետևյալ գործողությունները.
 - Ստանալ տնային առաջադրանքներ
 - Ուղարկել կատարած տնային առաջադրանքը
 - Առաջադրանքները ստանալ էլ.փոստի օրացույցով, որը մինչև կատարման ժամկետը հիշոցումներ կուղարկի սովորողին

2. 4-րդ դասարանից սովորողը արդեն ունենում է իր անձնական բլոգը, որի կառավարումը պահանջում է օտար լեզվի գիտելիքների որոշակի պաշար:
3. Դասավանդողի անձնական բլոգերը /պարտադիր է կրթահամալիրի բոլոր դասավանդողների համար/: Դասավանդողները նյութեր են տեղադրում բլոգերում, առցանց քննարկումներ կազմակերպում օտար լեզվով և այլն:
4. Կայքը և ենթակայքերը, որտեղ սովորողները դասավանդողի, ծնողի օգնությամբ կամ ինքնուրույն օտար եզվով նյութեր են տեղադրում: Նյութերը կարող են լինել նաև խմբային, դասարանական: Ենթակայքերում այդ նպատակի համար ստեղծված են հատուկ տարածք-բաժիններ՝ “ուրախ օտար լեզու”, “ուրախ կարաոկե” վերնագրերով: Այստեղ տեղադրվում են սովորողների, դասավանդողների լավագույն աշխատանքները, ուսումնական խաղեր, ինտերնետ ռեսուրսներ:
5. Բոլոր ուսուցանվող երգերը թարգմանվում են Lingvo, Google Translator կամ համակարգչում առկա այն բառարանների և ծրագրերի օգնությամբ: Դասարանում թարգմանությունը կատարում են սովորողները՝ դասավանդողի վերահսկողությամբ: Այնուհետ երգի կամ ոտանավորի բառերը ուղարկվում են բոլոր սովորողների հասցեներին, նրանք տանը կրկին ընթերցում, սովորում են այն:

Միջավայրի կարևոր բախկացուցիչներից են հանդիսանում դասավանդողին և սովորողին անհրաժեշտ նյութերը և գործիքները: Դասասենյակը կամ աշխատանքային կարիները պետք է պատրադիր ունենա.

- համակարգիչ,
- էլ.գրատախտակ,
- անխափան ինտերնետ,
- էլ.գրատախտակին կարող են փոխարինել պրոյեկտորն ու նոութբուք-նեթբուքերը /այն պայմանով, որ դասարանը ներգրավված է “Նոութբուքն ինձ դասընկեր” ծրագրում/,
- Ուսումնական ռեսուրսներ, որոնք տեղադրված կլինեն դասարանի համակարգչում, ենթակայքում, ֆլեշի վրա
- Աշխատանքային նյութեր
- Դասագրքեր, որոնց թվայնացված տարբերակները տեղադրված կլինեն և՛ գրադարանի ենթակայքում www.gradaran.mskh.am, ինչպես նաև ներբեռնված կլինեն համակարգչում, դասավանդողի և սովորողի անհատական նոութբուքերում-նեթբուքերում, բլոգերում:
- Օտար լեզվով տվյալ դասարանի մակարդակի համար համապատասխան գրականություն
- Բառարաններ
- Էլեկտրականության բացակայության դեպքում համակարգչով նախորոք պլանավորած դասը չտապալելու նպատակով դասարանում պետք է առկա լինեն դասագիրք կամ այդ տարիքին համապատասխան այլ գրականություն, նյութեր, գունավոր մատիտներ, այլումներ և այլն:

Բովանդակություն

I դասարան		
Ուսուցանվող նյութ	Ուսուցանման համար առաջարկվող նյութեր	Քերականություն
<p>Ողջունի ձևեր Hello, Hi, Good morning, good afternoon, good evening, good night, goodbye, bye-bye</p> <p>Ծանոթություն What's your name? How old are you? How are you?</p> <p>Գործողություններ, Stand up, sit down, sing, play, count, listen, look,</p> <p>Թվական 1-10-ը</p>	<p>Երգեր, ոտանավորներ, դասարանական հրահանգներ</p> <p>♪ Hello, hello, let's sing hello, hello, Stand up, sit down, let's sing hello, hello, Good bye, good bye, let's sing good bye, good bye.</p> <p>♪ Good morning, I am your teacher, Good morning you are my students, Good morning, what's your name? My name is..... Please, stand up, please, sit down, Please, stand up, please sit down, Good morning...</p> <p>♪ One, two, three, four, five Let's count, let's count and sing Six, seven, eight, nine, ten, Let's sing this song again.</p> <p>♪ Happy birthday, happy birthday How old are you? How old are you? Five or six or seven? Five or six or seven? How old are you? How old are you?</p>	<p>Հոդ /a, an, the/ Գոյական /թիվ—s, որոշ բացառություններ-man-men, woman-women, child-children, mouse-mice, sheep-sheep/ Ածական /գույն, չափ, ձև/ Դերանուն /անձնական-, ստացական, հարցական /what, who/ Նախադիր /in, on, under, at, to- ուղղություն/ Բայ-ժամանակաձև- ներկա անորոշ, ներկա շարունակական պարզ նախադասություններ, առօրյա պարզ գործողությունների նկարագրեր /քերականական այս պարզաբանումները ահրաժեշտ են դասավանդողին, սովորողը այս ամենը կիրառում է դեռ առանց գիտակցելու, մեխանիկորեն/</p>
<p>Իմ շրջապատը, շրջապատող առարկաներ My classroom, door, window, picture, computer, whiteboard, pen, pencil, book, bag</p> <p>Իմ ընտանիքը Mother, father, brother, sister,</p> <p>Խաղալիքները</p>	<p>📖 Mother, father, sister, brother, One, two, three, four We are the family of four.</p> <p>♪ «Teddy Bear» ♪ One and two and three and four I am sitting on the floor, I am playing with my ball And a pretty little doll.... (car-star, dog-</p>	

<p>Toy, teddy bear, doll, ball, car, bicycle, Գործողություններ Open, close, watch, draw,</p>	<p>frog, hen-pen, house-mouse, hare-bear...)</p>	
<p>Արտաքին տեսքի պարզ նկարագրություն The parts of the body, clothes (shirt, skirt, hat, shoes, boots, cap, jacket) Have got</p>	<p>♪ Head and shoulders, knees and toes... One head, one nose, two eyes, (3) And one, two, three, four, five. Two arms, two hands, two legs (3) And one, two, three, four, five.</p>	
<p>Գույներ Colours</p>	<p>♪ «Colours of the rainbow» ♪ «My box of colours»</p>	
<p>Կենդանիներ Animals (domestic, wild) Dog, cat, mouse, horse, cow, sheep, goose, duck, hen, pig, rabbit, hare, bear, wolf, fox</p>	<p>♪ There was a farmer, who had a dog And Bingo was its name. (B-I-N-G-O) There was a farmer, who had a cat, And Nabee was its name. (N-A-B-E-E) There was a farmer, who had a bird, And Cucoo was its name (C-U-C-O-O). ♪</p>	
<p>Տոներ Birthday, New Year, Mother's day, Christmas, Easter</p>	<p>♪ Happy birthday, happy birthday How old are you? How old are you? Five or six or seven? Five or six or seven? How old are you? How old are you? ♪ New year songs 📖 Father Frost, Father Frost, Bring many toys For little girls and little boys. ♪ «Have you seen the Easter bunny?» ♪ «Lady Bug, Lady Bug.» 📖 «My dear, dear, mummy»</p>	
<p>Մրգեր, բանջարեղեն, սնունդ Food, meals Apple, orange, banana, apricot, peach, pear, plum, grapes, tomato, potato,</p>	<p>♪ I like apples, I like apples, What's about you? What's about you? Strawberry, banana, Strawberry, banana, I like apples, too, I like apples, too. 📖 One, two, three-let me see</p>	

cucumber, onion Ice-cream, candy, chocolate, sandwich, juice, milk, water, tea, coffee Իմ նախասիրությունները I like/I don't like	Who likes coffee, who likes tea.	
Զգացմունքի/վիճակի պարզ նկարագրություն Emotions/feelings I am happy, I am sad I am hungry, I am tired		

II դասարան		
Ուսուցանվող նյութ	Ուսուցանման համար առաջարկվող նյութեր	Քերականություն
Ծանոթություն Կրկնողություն What's your name? How old are you? How are you? Նոր նյութ Where are you from? Interrogative sentences: How many...? Do you like...? What do you like? Have you got...? Թվական՝ տասնյակներ, 100		Հոդ /a, an, the/ Գոյական /թիվ—s, -ss որոշ բացառություններ-knife-knives, wolf-wolves, shelf-shelves/ Հաշվելի-անհաշվելի գոյականներ-milk,water, snow, bread, etc. Ստացական հոլով-'s Ածական /գույն, չափ, ձև, որակ/ Դերանուն /անձնական, ստացական, հարցական /what, who/ Նախդիր /in, on, under, at, to, near, / Բայ-ժամանակաձև- ներկա անորոշ, ներկա շարունակական պարզ նախադասություններ, առօրյա պարզ գործողությունների նկարագրեր
Իմ շրջապատը, շրջապատող առարկաներ Կրկնողություն- Classroom, my room, school yard, my playground, Իմ ընտանիքը Կրկնողություն- Grannies, uncle, aunt		

Խաղալիքները Կրկնողություն- Chess, computer games, outdoor games,		
Արտաքին տեսքի պարզ նկարագրություն Կրկնողություն- Tall, short, big, little, small, description of the face, dress,		
Զգացմունքի/վիճակի պարզ նկարագրություն Կրկնողություն- Emotions/feelings I am thirsty, I am ill, I am busy, I am surprised, I am angry, I am glad		

III-IV դասարան		
I և II դասարաններում ուսուցանվող բոլոր թեմաները կրկնվում են 3-4-րդ դասարաններում՝ բառապաշարի ավելացմամբ, ինչպես նաև ավելանում են ստորև բերված թեմաները: Դասավանդումը անցկացվում է նաև արդեն դասագրքերով:		
Ուսուցանվող նյութ	Ուսուցանման համար առաջարկվող նյութեր	
<ul style="list-style-type: none"> • Տարվա եղանակներ, ամիսներ, շաբաթվա օրեր • Բնակավայրը, բնակարան, սենյակ • Մասնագիտություններ • Նախասիրությունները /ազատ ժամանակ/ • Ուսումնական առարկաներ • Մնունդ /նախաձառ, ձառ, ընթրիք/ • Օրվա նկարագիր 	Ուսուցման համար առաջարկվող նյութերը՝ դասագրքերից, ուսումնական կայքերից	Հոդ /a, an, the/ Գոյական /եզակի-հոգնակի թիվ, հոգնակի թվի բացառությունները, /, գոյականի ստացական հոլովը -'s, հաշվելի անհաշվելի գոյականներ Ածական / Ածական /գույն, չափ, ձև, որակ/ Բայ /կանոնավոր-անկանոն բայեր/, Անցյալ անորոշ, Ապառնի- պարզ նկարագրություններ, Մոդալ բայեր /can, may, must/ Դերանուն /անձնական, ցուցական-this-these, that-

<ul style="list-style-type: none"> • Ազգականներ • Ժամացույց, ժամանակ, գումարում, հանում • Բնության, շրջապատի պարզ նկարագրեր • Զգացմունքներ 		those, հարցական, ստացական/ Նախդիր-/in, on, under, at, to, near, above, behind, next to, in front of, / Մակբայ /-ly / Թվական /քանակական և դասական/
--	--	--

5-6-րդ դասարանների առարկայական բովանդակությունը տես այստեղ:

Դասի անցկացման հնարավոր ձևեր

Կազմակերպել դերային խաղեր՝ թեմատիկ երկխոսություն՝ երկու անձանոց հանդիպում են միմյանց, ողջունում:

Խաղ-հրահանգ. Դասավանդողը կամ սովորողներից որևէ մեկը հրահանգներ է տալիս սովորողներից մեկին: Նա պետք է անսխալ կատարի բոլոր հրահանգները:

Թվերը կրկնելու համար կարելի է հաշվել դասարանում առկա իրենց ծանոթ առարկաները

Սովորողները նկարում են իրենց շրջապատող առարկաները, այնուհետ յուրաքանչյուրը պատմում է իր ընկերոջ պատկերածը:

Դասավանդողը կարող է նայն նկար-թելադրություն տալ. նա որևէ երգ կամ ոտանավոր է արտասանում, իսկ սովորողները փորձում են դա պատկերել:

Դասարան են բերում իրենց սիրած խաղալիքները, ներկայացնում դրանք, նկարագրում, փոքր ներկայացում բեմադրում:

Մի սովորող կանգնում է էլ.գրատախտակի մոտ իսկ մյուսը անգլերեն արտաքին տեսքի նկարագրություն է տալիս: Գրատախտակի մոտ կանգնած սովորողը պետք է ճիշտ նկարի:

Խաղում են Ձևագնդի հետևյալ կերպ. առաջին սովորողը ասում է. I have got a pen. Հաջորդը պետք է կրկնի առաջինի ասածը և ավելացնի իր նախադասությունը. Օրինակ՝ He has got a pen and I have got a book, և այսպես մինչև վերջին սովորողը: Պարտված է համարվում է այն սովորողը, որը սխալվում է և խախտում է շղթան: Այս խաղի օգնությամբ սովորողը կրկնում է և՛ I have got արտահայտությունը և՛ երրորդ դեմքի has

Անվանում են դասարանում առկա իրերը և դրանց գույները:

Համացանցից խաղում են տարբեր թեմատիկ խաղեր: www.angles365.com, www.starfall.com, www.cubeez.com, www.britishcouncil.org, www.genkienglish.net

Կենդանիների անունները կրկնելու համար բեմադրվում են պարզ հեքիթներ, դերախաղեր: Դասարանում ստեղծվում է ինքնաշեն փոքր տիկնիկային թատրոն՝ շիրմայով և խաղալիքներով և սովորողները բեմադրություններ են ներկայացնում դասարանում կամ հյուրախաղերով զբոսնում այլ դասարաններով:

Տարբեր տոների համար էլեկտրոնային բացիկներ են պատրաստում, պատկերագրում, դասավանդողի օգնությամբ փոքր մադթանքներ գրում:

Մնունդը կրկնելիս կարող են վիրտուալ կամ իրական այցելություն կատարել շուկա, խանութ, կատարել գնումներ, պատրաստել մրգային կամ բանջարենեղային աղցաններ և այլն:

Ուսումնական օրացույցով որոշված բոլոր տոների նախապատրաստումները և միջոցառումներին մասնակցությունները նույնպես հանդիսանում են որպես դասարանական կամ տնային աշխատանք: Մասնակցության ձևերը կարող են լինել հետևյալը.

1. Մեդիաօլիմպիադայի առաջադրանքների ստեղծում և կատարում /ծնողի մասնակցությունը խրախուսվում է/
2. DigiTec Expo 2011-կայքում օտար լեզվով լուսաբանում, հարցազրույցներ արտասահմանցի այցելուների հետ, ռադիոլուր
3. Հեղինակային մանկավարժության արդյունքների հասարակական ամենամյա հոկտեմբերյան մեդիափորձաքննություն-բաց դասեր, նյութերի ներկայացում
4. Մխիթար Սեբաստացու օրեր. կրթահամալիրի տոնը - մրցաշարեր, անգլերենով հոլովակներ, ֆիլմեր (կրթահամալիրի ուղեցույց), կրթահամալիրի 7 հրաշալիքներ (նյութ անգլերենով), ընթերցումներ (ռադիոլուր, ռադիոթատրոն), 5-6-րդ դասարանցիների վարպետության դասեր փոքրերին
5. Ձմեռային ուսումնա-հետազոտական ճամբարներ - դասարանական, խմբային, ջոկատային նախագծեր, նախապատրաստում ամանորյա ծեսին
6. Ամանորյա ծեսեր - ամանորյա հանդես-ելույթներ, երգեր, բեմադրություններ, ավանդույթների ներկայացում, կարաոկեներ
7. Ընտրությամբ գործունեության և խորացված ուսուցման կիսամյակային հաշվետվություններ - կայքում տեղադրված հաշվետվություն, մեդիաելույթներ (ռադիոլուրեր, երգերի կատարում բանաստեղծությունների մեդիաընթերցանություն)
8. Սովորողների նախասիրությունների զարգացման ձմեռային ստուգատեսներ - ուսումնական, հետազոտական, ստեղծագործական նյութերի պատրաստում, կայքի նյութեր, թարգմանություններ
9. Հանրակրթական Դիջիտեք 2012- ֆիլմերի, հոլովակների և այլ թվային նյութերի պատրաստում
10. Զատիկ - օտար լեզվով նյութերի ստեղծում, երգեր, ոտանավորներ, ավանդույթներ

11. Էկոտուր - համապատասխան բառապաշար անգլերենով, էկոբառարանի ստեղծում, էկոնյութեր ֆիլմեր կայքում
12. Հեղինակային մանկավարժության հեղինակների մայիսյան մեդիահավաք - բաց դասեր, հոդվածներ, նյութեր, էլույթ անգլերեն երգով Մարմարյա սրահում
13. Ամառային ուսումնահետազոտական ճամբարներ - ջոկատային, բացօթյա, լողավազանային նախագծեր, հասարակական նախագծեր
14. Սովորողների նախասիրությունների զարգացման ստուգատեսներ, ռոդարիական թատրոնի ամառային ստուգատես-թատրոններ, ռադիոթատրոն, միջոցառումներ, երգուպար
15. Ամենամյա մեդիափառատոն - ֆիլմեր, տեսահոլովակներ
16. Ամենամյա երաժշտական փառատոն - երգերի կատարում, օտար լեզվով երգերի խոսքերի հորինում, կատարում
17. Ամառային պարտեզների գործունեություն - աշխատանք ամառային պարտեզում (կամավոր) փոքրերի հետ, օտար լեզվով երգերի, ոտանավորների ուսուցանում, ճամբարային հիմն, խաղեր

Ուսումնական օրացույցով որոշված արձակուրդների ընթացքում սովորողը շարունակում է կրթությունը՝ հեռավար ուսուցման միջոցով: Համացանցի միջոցով (կրթահամալիրի կայքը, դպրոցների ենթակայքերը, էլեկտրոնային փոստը) սովորողները առաջադրանքներ են ստանում և կատարում: Դասավանդողը ստուգում է առաջադրանքը և պատասխանում սովորողին: Նյութերը տեղադրվում են կայքում, դպրոցների և «Պարտեզ» ենթակայքերում: Արձակուրդներին, ինչպես նաև շաբաթ-կիրակի օրերին կարող են կազմակերպվել ուսումնական ճամփորդություններ, որոնց արդյունքը նույնպես լինի օտար լեզվով պատրաստված ուսումնական նյութ կամ հաշվետվություն:

Որպես դասարանական կամ տնային աշխատանքի կամ նախագծի օրինակ կարող են հանդիսանալ նաև ստեղծագործական-ստեղծական/հետազոտական աշխատանքերը, որոնք կարող են լինել զանազան թեմաներով և ներկայացման ձևերով:

Հետազոտական աշխատանքները լինում են երկու տեսակի՝

1. Սովորողը յուրացրած նյութի մասին ավելի խորը տեղեկություն է գտնում, ընդլայնում է գիտելիքները՝ օգտվելով այլ աղբյուրներից. համացանց, գրադարան, հանրագիտարաններ
2. Սովորողը ստացած գիտելիքների միջոցով ներկայացնում է այս կամ այն երևույթները իր մասին խոսելիս (իր ընտանիքի, ընկերոջ, նախասիրությունների, առօրյայի)

Պահանջները

Ստեղծագործական-հետազոտական աշխատանքը պետք է հիմքում ունենա ծրագրային բովանդակությունը, լինի որպես առանձին թեմաների ամփոփում:

- Նյութի աղբյուրը համաձայնեցվում է ուսուցչի հետ
- Այն պետք է մատչելի լինի սովորողին
- Այն պետք է պարունակի գլխավոր ինֆորմացիան
- Սովորողը պետք է կարողանա այն ներկայացնել դասարանի առջև
- Սովորողը այն փոխանցում է մյուս սովորողներին՝ հրապարակելով այն կայքում և բլոգում:
- Աշխատանքը գնահատվում է 10 բալանոց համակարգով

Ձևերը

- Կարող է լինել տեսանյութ, որտեղ սովորողը կկիրառի իր ձեռք բերած տարբեր հմտությունները՝ հարցազրույց, կոնկրետ թեմայի վերաբերյալ բառապաշար, ինֆորմացիա:
- որևէ հեքիաթ, դրա սովորողի հորինած տարբերակը, որը կներկայացվի սովորողի հեղինակային լուսանկարներով, տեսանյութերով, կամ տարբեր համակարգչային ծրագրերով պատրաստած պատկերազարդումներով:
- Օրինակ՝ Ընտանիք թեման՝ պատրաստում է տեսանյութ, կամ պրեզենտացիա իր ընտանիքի մասին:
- Սա կախված է դասարանից և թեմայի ուսուցման մակարդակից կարող է տարբերվել ըստ դասարանների
- 1-ին դասարան՝ ներկայացնել ընտանիքի անդամներին, ասել անունները, տարիքը: Կարող է ձայնագրել իր արտասանությամբ այն ոտանավորը, որը սովորել է այս թեման անցնելիս
- 2-րդ դասարան՝ այստեղ կավելանա ընտանիքի անդամների արտաքին նկարագրությունը, նախասիրությունները:
- Հետագոտական աշխատանքի արդյունք կարող է լինել անհատական հանրագիտարանը, որը պարունակում է ինֆորմացիա երեք լեզուներով՝ հայերեն, ռուսերեն, անգլերեն: Այսպիսով կոնկրետ աշխատանքի միջոցով սովորողը կիրառում է իր գիտելիքները մի քանի առարկայից: Սա կարող է լինել տարբեր ուսուցիչների հետ կատարած աշխատանք:
- հեքիաթ
- բնագիտական նյութ
- կենդանիների մասին նյութ
- ծաղիկների մասին նյութ
- լեզենդներ
- տարբեր ազգերի սովորույթներ
- տոներ
- սպորտ
- իր մասին ինֆորմացիա

1-ին դասարան

Պատկերազարդ էլեկտրոնային գրքույկի ստեղծում՝ ոտանավորների, երգերի, շուտասելուկների և բառապաշարի վրա հիմնված: Աշխատանքը կարող է լինել անհատական (համատեղ խմբի հետ) կամ խմբային (մի խումբ սովորողների մասնակցությամբ, ուսուցչի ղեկավարությամբ)

2-րդ դասարան

Պատկերագարդ էլեկտրոնային գրքույկի ստեղծում՝ ոտանավորների, երգերի, շուտասելուկների և բառապաշարի վրահիմնված, Smart Notebook ծրագրով ստեղծված դասեր, դաս-խաղեր, անձնական էլեկտրոնային այբենարանի ստեղծում (Paint ծրագրով պատրաստվում են էլեկտրոնային էջեր յուրաքանչյուր դասի վերաբերյալ, որոնք վերջում ներկայանում են մեկ ձեռնարկի տեսքով)

3-րդ դասարան

Թեմատիկ բառարանների ստեղծում, Smart Notebook ծրագրով դասերի ստեղծում,

Professions, /My family /My friend's family, My toys, My school, My friends, Games, Professions, Sport, Our house/My room, My day, Food – recipes, Seasons, Farm animals

4-րդ դասարան

Հանելուկներ, Թեմատիկ հետազոտական աշխատանքներ.

My weekends, Meals, My relatives (uncle, aunt, cousins...) School, Clothes,

Seasons, Christmas, Easter, Mothers' Day, Father's day,

London,USA, Travelling, Transport, Riddles, Red Riding Hood, Goldilocks and the three bears, Tom Thumb, Cinderella,The fox in the well, The dog and the cat

5-րդ դասարան

Թեմատիկ հետազոտական աշխատանքներ

Animals, Nature, Planets, Clothes, Meals, My Hobby/ My birthday, Dinosaurs/for Past Simple Tense/,

6-րդ դասարան

Թեմատիկ հետազոտական աշխատանքներ

/Travelling, Holidays, My country, My favourite singer/ actor, My favourite book, Seasons, The place I live, Museums, My excursions,

Ավարտուն ուսումնական նյութերը, ըստ կարգի, ցուցադրվում են ուրբաթօրյա ցուցադրության ընթացքում: Լավագույն աշխատանքները կարող են ընդգրկվել կրթահամալիրում օգտագործվող ուսումնական նյութերի ցանկում:

Սովորողի ուսումնական գործունեության ձևերը

Մեդիահանրակրթության խորացված ուսուցմամբ դասարաններում սովորողի ուսումնական գործունեության ձևերը կախված են սվյալ դասարանում ՏՀՏ-ների կիրառման առանձնահատկություններից.

1. Էլեկտրոնային գրատախտակով դասարաններ

- Համացանցի գործածումը՝ երգերի, ոտանավորների ունկնդրման համար
- Համացանցի գործածումը ֆիլմերի, ուսումնական նյութերի դիտման համար
- Համացանցի գործածումը թարգմանություններ կատարելու համար
- Համացանցի գործածումը խմբային, դասարանական ուսումնական նյութերի ստեղծման համար
- Համացանցի գործածումը Կրթահամալիրի կայքում դասարանական նյութեր և նորություններ տեղադրելու համար:
- Office ծրագրային փաթեթի գործածումը՝ նյութերի, դասերի, առաջադրանքների կատարման համար /Word, Power Point/.
- Paint ծրագրի գործածումը՝ ուսումնական նյութերը պատկերագրելու համար
- Notebook ծրագրի գործածումը՝ առաջադրանքների, ուսումնական նյութերի կատարման համար

2. Պրոյեկտորով դասարաններ

- Վերոհիշյալ բոլոր գործողությունները կարելի է կատարել և այս դասարաններում, բացառությամբ տեղում գրատախտակի վրա աշխատելը:

3. Էլեկտրոնային գրիչներով դասարաններ

- Aver+ ծրագրով կազմած բազմաթիվ թեստեր, դասեր
- Համացանցի գործածում

4. «Նոութբուքն ինձ դասընկեր» ծրագրով դասարաններ

- Համացանցի գործածման բոլոր ուսումնական հնարավորությունները
- Էլեկտրոնային հաղորդագրություն
- Բլոգերի, wiki-ների ստեղծում, կիրառում
- Կրթահամալիրի կայքում անհատական նյութերի տեղադրում

- Անհատական կամ խմբային տարբեր աշխատանքների կատարում /հնարավոր է, որ մեկ դասաժամի ընթացքում սովորողները զբաղված լինեն տարբեր առարկաներով/:

Մեդիահանրակրթական բոլոր տեսակի դասարաններում հնարավոր է իրականացնել հեռավար ուսուցում՝ առողջական խնդիրներ ունեցող կամ երկրից բացակայող սովորողների համար: Նման ուսուցման պահանջի դեպքում դասավանդողը մշակում է էլեկտրոնային տարբերակով առաջադրանքներ, հարցաշարեր, թեստեր, ուսումնահետազոտական աշխատանքի թեմաներ և էլ.փոստով ուղարկում սովորողին: Սովորողը պարտավոր է նշված ժամանակահատվածում կատարել դրանք և նույն միջոցով վերադարձնել ուսուցչին՝ ստուգելու համար: Hot-mail-ի և skype-ի հնարավորության դեպքում դասավանդողը կարող է նաև առցանց դասընթացներ անցկացնել երկրից դուրս գտնվող սովորողի հետ:

Դասարանում և տանը սովորողը պարտավոր է ունենալ անհատական համակարգիչ՝ միացված համացանցին: Դասարանում պարտադիր է համարվում նաև ֆոտոխցիկի և թվային ձայնագրիչի առկայությունը. սովորողները նկարահանում են, համակարգչով ձևավորում և խմբագրում են նկարները: Այդ նկարները կարող են օգտագործվել ուսումնական նյութեր պատրաստելիս: Այս նույն նպատակին կարող են ծառայել նաև բջջային հեռախոսները: Թվային ձայնագրիչը օտար լեզվով երգերի, ոտանավորների, երկխոսությունների, ռադիոթատրոնի, ռադիոլուրի ձայնագրման համար է:

Առցանց դասընթացներ վարելու համար գործածվում են հետևյալ կայքերը (www.tolearnenglish.com, www.englishforkids.ru, www.englishfirst.ru, www.angles365.com, www.english-4u.de), www.britishcouncil.org և այլ բազմաթիվ կայքեր, որոնց հասցեները անընդհատ թարմացվում են և տեղադրվում են “Մեդիագրադարան” բաժնում:

Ուսումնական գործունեության ձևերից է նաև բացօթյա դասերի անցկացումը, որը կարող է իրականացվել ինչպես դպրոցի ներքին և արտաքին բակերում, այնպես էլ ուսումնական ճամփորդությունների միջոցով:

Դասարանում և տանը ուսումնական պարապմունքի, ինքնակրթության կազմակերպման մեթոդական նկարագրություն

Կրտսեր դպրոցում դասաժամերի քանակը թույլ է տալիս աշխատանքի մեծ մասը կատարել դասարանում: Տնային առաջադրանքը մեծապես դառնում է դասարանում չավարտած աշխատանքի շարունակություն կամ կրկնողություն:

Հաշվի առնելով սովորողների տարիքային առանձնահատկությունները, դասավանդողը յուրաքանչյուր դաս պետք է տոնի վերածի: Դրա համար նրան անհրաժեշտ է դասը հագեցնել զանազան, ցանկալի է, շարժական, խաղերով, այդ թվում դերախաղերով: /Խաղ- դասերի պաշարները կարող էք գտնել դպրոցների ենթակայքերում/: Դասերին օգտագործվում են տարբեր դիդակտիկ նյութեր՝ խաղալիքներ, ինքնաշեն տիկնիկներ, դիմակներ, նկարներ, նկար-քարտեր /այդ ամենը կարող են պատրաստել սովորողները/: Խաղերի միջոցով կրկնվում է անցած բառապաշարը, ամրապնդվում նորը: Զարգանում է երեխաների ուշադրությունը, հետաքրքրությունը:

Որպես արդյունավետ դասարանական աշխատանք՝ իրականացվում է նաև տարբեր մեթոդների կիրառումը, որը հնարավոր է անել միայն խմբային տարբերակով: Նման մեթոդների կիրառումը հետաքրքիր է դարձնում է դասը, սովորողներին խթանում մեխանիկական աշխատանքից անցնելու մտավորին: Հաճախ կիրառվում են պրիզմայի, ձնագնդի, գունավոր գլխարկների, փազլի և այլ մեթոդները:

Ուսումնական պարապմունքի ժամանակ արվող աշխատանքի դասական տեսակ է նաև (ոչ պակաս կարևոր է, քան վերոհիշյալները) նոր դասի հետ կապված աշխատանքը, անհասկանալի պահերի մեկնաբանումը, վարժությունների, թեստային աշխատանքների միջոցով նոր դասի ամրապնդումը: Շատ օգտակար են դառնում տարբեր կայքերի միջոցով խաղերի և վարժությունների առցանց կատարումները, որտեղ սովորողը տեսնում և լսում է իր սխալը: Երբեմն անհրաժեշտ է լինում քննարկել տնային առաջադրանքը, տալ որևէ պարզաբանում կամ բացատրել սովորողին չհասկացածը:

Դասարանական աշխատանքի առավելություններից է նաև մրցակցության մտնողորտի ստեղծումը, որը ոչ պակաս կարևոր է սովորողներին մոտիվացնելու համար: Մեկը մյուսին գերազանցելու, լավ արդյունքի հասնելու, ինչու չէ՞, նաև բարձր գնահատական վաստակելու նպատակով դասարանում սովորողները ավելի հաճույքով և աշխույժ են աշխատում:

Բանավոր խոսքի զարգացումը պահանջում է ճիշտ առոգանական հմտությունների ձեռք բերում, որին մեծապես նպաստում են աուդիոդասերը: Այս նպատակին են ծառայում նաև երգերը, ոտանավորները, հանելուկներն ու շուտասելուկները:

Դասարանական կամ տնային պարապմունքներից բխող նախագծեր կարող են իրականացվել: Նախագծերը կարող են պայմանավորված լինել նաև կրթայամալիրի տոնացույցով որոշված միջոցառումներով: Այս դեպքում պահանջվում է համագործակցություն՝ սովորող-դասավանդող-ծնող:

Մեդիաօլիմպիական շրջանում դասարանական և տնային աշխատանքի մեծմասը ուղղված է մեդիաօլիմպիադայի առաջադրանքների կատարմանը: Դրանք կարող են լինել անհատական և խմբային:

Սովորողներին նաև տրվում է ուսումնական կայքերի հղումների ցանկ, որով նրանք կարող են տանը ամրապնդել դասարանում իրականացվածը, խաղալ նոր խաղեր, կատարել նոր առաջադրանքներ:

Օգտակար կայքեր.

www.tolearnenglish.com

www.englishforkids.ru

www.englishfirst.ru

www.angles365.com

www.english-4u.de

www.bitishcouncil.org

www.genkienglish.net

<http://www.cubeez.com/>

(Ցանկը դեռ ավելացվելու է)

Գնահատում

Գնահատման նպատակները

Գնահատման հիմնական նպատակներ են սովորողների գիտելիքների մակարդակի, կարողությունների և հմտությունների տիրապետման ստուգումը, ուսումնական գործընթացի արդյունավետությունը, ուսումնական որակի բացահայտումն ու վերահսկումը:

Գնահատման հիմնական սկզբունքները՝

- Օբյեկտիվություն
- Արդարություն և անկողմնապահություն
- Հիմնավորվածություն

Գնահատման տեսակները

1-4-րդ դասարանցիների աշխատանքը գնահատանիշով չի գնահատվում: Յուրաքանչյուր կիսամյակի վերջում սովորողը ներկայացնում է անհատապես և խմբով կատարած աշխատանքների՝ առաջադիմության թղթապանակը: “Իմացումի հրճվանք”

ծրագրի յուրաքանչյուր կիսամյակը մեկ սովորողի համար լրացվում է աճի զարգացման բնութագիր, որտեղ օտար լեզվի դասավանդողը ունի իր բաժինը: Սովորողները ուսման ընթացքում և կիսամյակը մեկ կատարում են ինքնաստուգման աշխատանքներ և մասնակցում են ստուգատեսներին: Սովորողի էլեկտրոնային թղթապանակում կամ հաշվետվության մեջ նշվում են իր անհատական կամ խմբային կատարած աշխատանքների հղումները:

Գնահատումը 1-4-րդ դասարաններում խրախուսական բնույթ է կրում. երեխաները չեն գնահատվում նիշերով, այլ ստանում են զանազան մրցանակներ (տիպեր, աստղիկներ, “Կեցցես”-ներ և այլն):

5-6-րդ դասարաններում գնահատումը կատարվում է 10 բալլանոց համակարգով:

Կիսամյակային գնահատականները դրվում են կիսամյակային ստուգատեսներին, ուսումնա-հետազոտական ճամբարներին, կրթահամալիրային մեդիաօլիմպիադաներին մասնակցության արդյունքում, ինչպես նաև տարվա ընթացքում կատարած հետազոտական աշխատանքների հիման վրա: Գնահատականի գոյացման բաղկացուցիչ են հանդիսանում բանավոր պատասխանները, ընթացիկ գրավոր աշխատանքները, կիսամյակային ամփոփիչ ստուգաքերը: Գործնական աշխատանքի գնահատումը իրականացվում է ստուգատեսներին ներկայացված նոյթերի հիման վրա:

2-4-րդ դասարաններում ընթացիկ ինքնաստուգումները իրականացվում են ուսուցչի հայեցողությամբ:

4-րդ դասարանի վերջում անցկացվում է ամփոփիչ ստուգաք:

5-6-րդ դասարաններում անցկացվում են ընթացիկ ինքնաստուգումներ՝ առնվազն տարեկան 8 անգամ և ստուգումներ՝ առնվազն տարեկան 4 անգամ:

Գնահատելիս հաշվի են առնվում սովորողների մասնակցությունը կրթահամալիրային միջոցառումներին /հոկտեմբերյան և մայիսյան բաց փորձաքննություններ, Հանրակրթական Դիջիթեք, «Ժանգոտ Դդում» և Երաժշտական փառատոն, և այլն/: Այս ստուգատեսներին սովորողները անհատապես կամ խմբային, դասավանդողի ղեկավարությամբ, ներկայացնում են իրենց կատարած աշխատանքները օտար լեզվով: Կարող են ներկայացվել նաև ընթացիկ աշխատանքները, որոնք նախկինում տեղադրվել են Կրթահամալիրի կայքում /թարգմանություններ, ուսումնական առաջադրանքներ և այլն/:

Յուրաքանչյուր կիսամյակի վերջում ծնողին էլեկտրոնային և թղթային տարբերակով ներկայացվում են սովորողի ամփոփաթերթիկները, որտեղ ներառված են նրա գործունեության բոլոր ոլորտները:

Ուսումնա-հասարակական աշխատանքներ

Սովորողները մասնակցում են կրթահամալիրում իրականացվող բոլոր ուսումնա-հասարակական ծրագրերին, որի ընթացքում զարգանում է տվյալ բնագավառին բնորոշ բառապաշարը /կենդանիների խնամք, շրջակա միջավայրի խնամք և բարելավում, աշխատանք խոհանոց-լաբորատորիայում, բակային աշխատանքներ, բույսերի և կենդանիների խնամք, գրքերի վերանորոգում և այլն: Այս աշխատանքների արդյունքում ստեղծվում են ուսումնական նյութեր և կատարվում են հետազոտական աշխատանքներ: Լավագույն աշխատանքները ներկայացվում են ուրբաթօրյա ցուցադրություններին և տեղադրվում կրթահամալիրի կայքում կամ դպրոցների ենթակայքերում:

Ուսումնական ճամփորդություններ

Ուսումնական ճամփորդությունները իրականացվում են համագործակցելով այլ առարկաների դասավանդողների հետ. օրինակ՝ կենդանաբանական այգի, բուսաբանական այգի, թատրոններ, թանգարաններ, ցուցահանդեսներ և այլն: Ճամփորդություններից հետո սովորողները դասավանդողի հետ պատրաստում են օտար լեզվով ուսումնական նյութ /կենդանական, բուսական և այլ բառարաններ, հետաքրքիր նյութեր անգլերենով, ռադիո և տեսալուրեր և այլն/:

Սովորողները դասավանդողի հետ կարող են կատարել վիրտուալ ուսումնական ճամփորդություն՝ տարբեր կայքերի միջոցով: Նրանք կարող են վիրտուալ այցելություն կատարել Անգլիա, ԱՄՆ և այլն, թանգարաններ, գրադարաններ:

Գրականություն

1-ին դասարանում դասավանդումը իրականացվում է առանց դասագրքերի, օգտագործվում են ուսումնական կայքեր, հատուկ համակարգչային խաղեր: /Օգտագործվող կայքեր- www.genkienglish.net www.tolearnenglish.com www.angles365.com , Կրթահամալիրում ստեղծված “English 1-2” CD, որը ներառում է 8 թեմատիկ դաս՝ համապատասխան ծրագրի պահանջներին: Յուրաքանչյուր դաս ներառում է անհրաժեշտ բառապաշար, երգացանկ, ոտանավորներ և խաղեր/: CD-ների պարունակությունը տեղադրված է նաև կրթահամալիրի կայքի ենթակայքերում:

2-րդ դասարան-Գ.Գասպարյան-3

3-րդ դասարան- 1-ին կիսամյակ-Ապրելայան “ABC”, 2-րդ կիսամյակ-Գասպարյան -4

4-րդ դասարան-Գասպարյան-4, Round Up-2

5-րդ դասարան-Գաապարյան-5, Round Up-2 /շարունակություն/, Верещагина-3 /Reader/,

6-րդ դասարան-Верещагина-VI

Որպես լրացուցիչ գրականություն կարող է գործածվել հետևյալ գրականությունը.

- Macmillan հրատարակչության դասագրքեր, զիրք-տետրեր /Bravo, Way Ahead/
- Մեդիագրականություն

Լուսինե Բուշ